

# საქართველო

ეროვნული თავისუფლების ბრძოლა — კიროვნული თავისუფლებისათვის  
ეროვნული თავისუფლების ბრძოლა — ეროვნული თავისუფლებისათვის

ეროვნული  
ბრძოლა

საქართველოს სახალხო ფრონტი  
ყოველკვირეული საზოგადოებრივ-პოლიტიკური გაზეთი  
გამოედოდა 1903-1905, 1915-1921 წწ. აღდგენილია 1989 წელს.

№ 14 (1350)

30/IV - 5/V, 1993 წ.

## საქართველოს სახალხო ფრონტის III ყრილობა ვიღონოთ ყველაფერი საქართველოს დამოუკიდებლობის გადასარჩენად და განსამტკიცებლად!

24-25 აპრილს მიმდინარეობდა საქართველოს სახალხო ფრონტის III ყრილობა. ყრილობა გახსნა სახალხო ფრონტის თავმჯდომარემ ბატონმა ნოდარ ნათაძემ.

დარბაზში აქედრდა საქართველოს ჰიმნი.

შედეგ ნ.ნათაძემ დელეგატებს სთხოვა, უთხროს დუმილით პატივი მიეცოთ იმ მამულიშვილისათვის, „ვისთვის დროს სამშობლოსათვის დაიღწია“. პატივსაცემად, რომ სამშობლოსათვის გამოქალაქენ და შეგნებულად გაწირა თავი“.

ამ ერთიანობით გამოიხატა ის საშინელი სინამდვილე, რაც ჩვენს ქვეყანას დაატყდა თავს — ერთის მხრივ ბრძოლა მომხდურთა და საქართველოს ერთიანობის მტერთა წინააღმდეგ და მეორეს მხრივ ძმათამკვლელი ომი. შემდეგ —

ცივი საფლავები პირტიტველა ქართველი ბიჭებისა...

24 აპრილს სხდომას თავმჯდომარეობდნენ შ. ნადირაშვილი და გ. გავაშელი. 25-ში ა. ტულუში და ნ. გრიგალაშვილი.

პირველ დღეს პოლიტიკური მოხსენება გააკეთა ბატონმა ნოდარ ნათაძემ. თანამოსხენებით გამოვიდა ბატონი ნოდარ გრიგალაშვილი.

ქვეყნის ეკონომიკური მდგომარეობის შესახებ ვრცლად ისაუბრა რესპუბლიკის ვიცე პრემიერმა, ეკონომიკური რეფორმების შტაბის ხელმძღვანელმა ბნმა რომან გოცირიძემ.

გაიმართა კამათი.

მეორე დღეს სხდომაზე, ნოდარ ნათაძის საანგარიშო მოხსენების შემდეგ ვრცელი გამოსვლები ჰქონდათ ბატონებს შოთა ნადირაშვილსა და პაატა კოლუაშვილს. მო-

მხსენებელთა და მოკამათეთა გამოსვების საერთო პათოსი იყო — ყველაფერი ვიღონოთ საქართველოს დამოუკიდებლობის გადასარჩენად და განსამტკიცებლად.

ყრილობის დელეგატებმა სრულიად საქართველოდან საქართველოს სახალხო ფრონტის თავმჯდომარედ ერთხმად აირჩიეს კვლავ ბატონი ნოდარ ნათაძე.

ყრილობიდან ყრილობამდე უმაღლეს მმართველ ორგანოს წარმოადგენს დარბაზი. რეგიონალური სახალხო ფრონტის თავმჯდომარეები იმავდროულად ითვლებიან დარბაზის წევრებად, მათ გარდა ყრილობის დელეგატებმა აირჩიეს სსფ-ს დარბაზის 20 წევრი. არჩეულ იქნა სარევიზიო კომისია.

ყრილობამ მიიღო რეზოლუციები, წესდება და პროგრამა.


ამით ყრილობამ მუშაობა დაასრულა. აფეთქება არ მომხდარა!..



# საქართველოს სახალხო ფრონტის III ყრილობა

რომან გოცირიძე:

## რეალობა მკაცრია...



24 აპრილს სახალხო ფრონტის ყრილობა მოელოდა ბატონი რომან გოცირიძის გამოსვლას. ყველამ იცის, რომ ბატონი რომანი მშვენიერი ორატორია, მაგრამ ყველამ იცოდა ისიც, რომ მას უმძიმეს პრობლემებზე მოუწევდა საუბარი. ასეც მოხდა. კიდევ ერთხელ დადასტურდა რომან გოცირიძის გამოსვლის შემდეგ მისი ბრწყინვალე ორატორული ნიჭი, განათლების ფართო სპექტრი, ამასთან ჩვენი ეკონომიკის უადრესად ღუბჭირი სურათი. როგორც ჩანს, განათლება და ნიჭიერება. ვიცე-პრემიერის მაღალი პოსტი, არ ყოფნის იმას, რომ ჩვენს არეულ ქვეყანაში ჯერ-ჯერობით რაიმე შეიცვალოს, თუმცა რ. გოცირიძე ხელს არ აკლებს. გთავაზობთ ბატონ რომან გოცირიძის გამოსვლის შემოკლებულ ჩანაწერს.

მინდა შეგწერდე დღევანდელ ეკონომიკურ მდგომარეობაზე. შეიძლება ითქვას, რომ საქართველო ამაზე მძიმე ეკონომიკურ მდგომარეობაში არასოდეს ყოფილა. და თუ ჩვენ შევხვდებით ნახევარი წლის შემდეგ დღევანდელი მდგომარეობა შეიძლება გაცილებით უკეთესად მოგვეჩვენოს. შექმნილი მდგომარეობის უპირველესი მიზეზი გახლავთ ის, რომ საბჭოთა კავშირის დაშლის შემდეგ ავტონომიური სახელმწიფო წარმოიქმნების საბოლოო ფორმირების შედეგად დაიშალა ერთიანი საფინანსო სისტემა და წარმოიშვა საანგარიშსწორებო კრიზისი, რომელიც საბოლოო სახით ერთი თვის წინ ჩამოყალიბდა. დღეს ნებისმიერი ქვეყანა, იქნება რუსეთი, უკრაინა, სომხეთი თუ ამერი-

კის შეერთებული შტატები, ჩვენივე ერთი და იგივე ფინანსური პარტნიორია და, თუ არავის მოსდის აზრად, მივიდეს ბანკში და ფულის პოლსონეთში გადაირიცხვა ითხოვოს, არის შემთხვევები, როცა ითხოვენ ფულის რუსეთში გადარიცხვას. უნდა ითქვას, რომ ე.წ. ფულის გადარიცხვა საბანკო ჭარბონია. გადარიცხვა შეიძლება ხდებოდეს ერთიანი საფინანსო მექანიზმის მქონე ქვეყანაში ორ სამეურნეო პარტნიორს შორის. ანგარიშსწორება სახელმწიფოებს შორის რომ მოხდეს, უნდა არსებობდეს ისეთი ფული, რომელიც ამ ანგარიშსწორებისათვის იქნება მისაღები, ასე ვთქვათ უნდა არსებობდეს ორმხრივად კონვენტირებადი ფული. ქართული, რუსული ან აზერბაიჯანული ვალუტა არაა კონვენტირებადი და ბუნებრივია, წარმოიქმნა ჩაკეტილი, ავტონომიური საფინანსო სისტემები. საქართველოში კუპონის ნაცვლად მანეთი რომ დარჩენილიყო, ვერცერთი საწარმო, ანგარიშზე მილიარდებიც რომ ჰქონოდა, ფულს საზღვრის გარეთ მაინც ვერ გაიტანდა. წარმოიშვა უზარმაზარი საგადახდელო კრიზისი. ერთი შეხედვით, ეს ტრაგედია არ უნდა იყოს, რადგან მთელი მსოფლიო გადაირიცხვების გარეშე ცოცხლობს, მაგრამ მეორე მხრივ, საქართველოს ყველა სახის საქონელი სწორედ გადაირიცხვების მეშვეობით, მე ვიტყვდი, ერთიანი სამანეთო სისტემის წყალობით შემოქმედდა. მაგრამ სისტემა ადრე თუ გვიან უნდა დაშლილიყო, რადგან ერთი მხრივ, რე-

ბოლს საკუთარი ვალუტა უნდა შემოეღოთ და, მეორე მხრივ, რუსეთისთვის ერთიანი სამანეთო ზონა წამგებია იყო.

ერთ მაგალითს მოვიტან: თურქმენეთიდან დაახლოებით 5,2 მილიარდი მ-3 ბუნებრივი გაზი შემდიოდა, რაც სამასი მილიონი დოლარი ღირდა. ჩვენ უნდა მიგვეწოდებინა 70—80 მილიონი დოლარის ღირებულების პროდუქცია, ხოლო უზარმაზარი სხვაობა საქართველოს ვალად დაედებოდა. ე.ი. სამასი მილიონი დოლარის ღირებულების გაზისათვის უნდა მიგვეწოდებინა ამავე ღირებულების საქონელი, მაგრამ თუ საქართველოს ამ რაოდენობის საქონელი არ აღმოაჩნდებოდა, დაედებოდა ვალი, რომელიც ან მყარი ვალუტით უნდა გადაგვეხადა ან შეგვიძირდებოდა გაზის მოწოდება.

შარშან, ძალიან მარტივად, მივაწვდით მცირეოდენ საქონელს, ეროვნული ბანკი გამოწერდა ბარათს — ავიზოს, ჩაიტანდა მას ჩვენი წარმომადგენელი თურქმენეთში და მოხდებოდა გადარიცხვა. ასეთი მანიპულაციები ერთიანი საფინანსო მექანიზმების მქონე ქვეყანაში იყო შესაძლებელი. ის სისტემა კი ძირითადად რუსეთის ეკონომიკური პოტენციალის გამოყენებით ხორციელდებოდა, რომელიც გარკვეული პოლიტიკური მიზეზების გამო ვერ კერძოდა საბანკო ანგარიშსწორების საზღვრებს.

ბოლოსდაბოლოს საზღვრები ჩაიკეტა. თურქმენეთს საქონელი ვერ მივაწოდეთ და გაზის მოწოდება 5,2 მლ. მ — დან 3, 8 მლ. მ — მდე შეგვიძირდა. გუშინწინ კი მივიღეთ დეკრეტი, რომ საქართველოში შეწყდება გაზის მოწოდება, თუ არ გადავიხდით ტრანზიტის საფასურს. ე.ი. თუ არ დავფარავთ იმ ხარჯებს რომელიც თურქმენეთმა რუსეთსა და ყაზახეთს უნდა გადაუხადოს. ესაა 5 მილიარდი მანეთი. (აქ ლაპარაკი არაა იმ ათეულ მილიარდ მანეთზე, რომელიც საჭირო იქნება გაზის მოწოდებისთვის.) ამჟამად, გაზის ტრანზიტის მხოლოდ პირველი კვარტლის ღირებულების დასაფარად უნდა მოვძებ-

ნოთ 5 მილიარდი მანეთის ღირებულების ჩაი. ჩვენ ეს არ გავგანია მაშინ, როცა ჩაი მისაცემია რუსეთისთვის, უკრაინისთვის, აზერბაიჯანისთვის ნავთობპროდუქტების შესაძენად და ა.შ. უამრავი პროდუქტისათვის. საქართველო, მთელი თავისი ეკონომიკური პოტენციალით, ასე ვთქვათ, ყველაფერი რომ თურქმენეთს აჩუქოს, მხოლოდ გაზს ვერ იყიდის. საქართველო მოიხმარს თითქმის იმდენ საქონელს, რამდენიც სჭირდება, წარმოება კი შემცირებულია 70—80 პროცენტით, რაც მრავალი მიზეზითაა გამოწვეული და პირველ რიგში — ომით.

რა გავაკეთოთ? თურქმენეთს უნდა მივცეთ საქონელი, რომელიც არ გავგანია, უნდა მივცეთ უცხოური ვალუტა, მაგრამ ისიც არ გავგანია. არსებობს კიდევ ერთი გზა — შევამციროთ გაზის მოწოდება ჩვენი საქონლის მოწოდების ფარგლებში, რომელიც ჩვენთვის დამღუპველია, რადგან გაჩერდება მთელი საქართველო და ჩვენ შიმშილით დავიხოცებით. კიდევ ერთი გზაა — შევეხვეწოთ თურქმენეთს, გვაპატიოს, რომ ჩვენ არ შეგვიძლია ვალის გადახდა და ერთ დროს გადავიხდით.

გაზი მსოფლიო ბაზარზე ორჯერ უფრო ძვირია, ვიდრე ჩვენ თურქმენეთს ვუხდით. ჩვენდა საბედნიეროდ, მას ჯერ არ შეუძლია მსოფლიო ბაზარზე გასვლა, მაგრამ დღესაც შეუძლია გაზი მყარ ვალუტაზე მიჰყიდოს რუსეთს. მომავალი წლიდან კი ირანის გავლით გაიხსნება ახალი გაზსადენი. მოკლედ, თურქმენეთი საქართველოსათვის დონორის როლში ვერ იქნება. შექმნილი მდგომარეობიდან ერთადერთი გაქვალა, რომ თურქმენეთს ვალი ტექნიკურ კრედიტად ჩაგვითვალოს, რომელსაც შემდეგ სახელმწიფოთშორის ურთიერთობებში გავაფორმებთ.

10 მილიარდი მანეთის გაზი შემოვიტანეთ ყაზახეთიდან, მაშინ როცა თურქმენეთმა შეგვიძირა გაზის მოწოდება. ჩვენი ავიზო ჩავიტანეთ ყაზახეთში, ვთხოვეთ პრე-

მიერ-მინისტრს ტერეშჩენკოს, რომ ყაზახეთს თავისი საქონელი კრედიტად მოეცა. ეს ათი მილიარდი არ გატარდა, დაბრუნდა უკან და არ ვიცით რას ვიზამთ მომავალში.

ასეთი სახის დავალიანება გვაქვს რუსეთთან — 60 მილიარდი მანეთი, ყაზახეთთან, უკრაინასთან, აზერბაიჯანთან, მოლდოვასთან. ე.ი. შარშან სესხად სულ 100 მილიარდი მანეთის საქონელი შემოვიტანეთ. ეს ხორციელდებოდა ერთიანი საფინანსო სისტემის წყალობით, ინერციით და რუსეთის მცდელობით, შენარჩუნებინა ერთიანი სამანეთო ზონა, გარკვეული პოლიტიკური მოსაზრებების გამო.

აქ ლურობისაა ყო მხოლოდ ქარების, საქართველომ ასეთი ქვეყნის იცხვებით გასულ წელს შემოიტანა ხორბალი ყაზახეთიდან და რუსეთიდან. საქართველო დღეს ცხოვრობს გაერთიანების კრედიტით, რომელსაც შეიძლება დაგვმატოთ თურქეთიდან და ამერიკიდან საჩუქრად მიღებული ხორბალი. ამერიკიდან შემოვა ჰუმანიტარული დახმარების 90 ათასი ტონა ხორბალი, რომელსაც საქართველო 33 დღეში მოიხმარს. გარდა ამისა 160 ათასი ტონა საფურაუო ხორბალი, რომელიც თუ არ იქნა გაფუჭებული, უკიდურეს შემთხვევაში, საკვებად შეიძლება გამოვიყენოთ. აი, ესაა მთელი ჩვენი შემოსავალი.

ასეთ მუქ ტონებში წარმოადგინა ვიცე-პრემიერმა ჩვენი დღევანდელი ეკონომიკური მდგომარეობა, რაც ომის, ნგრევისა და შიდა დაპირისპირების შედეგად არის.

ბატონმა რომანმა ილაპარაკა იმის თაობაზეც, თუ რა უნდა გაკეთდეს ამ უმძიმესი მდგომარეობიდან გამოსასვლელად. რომ ამჟამადაც მოსკოვში იმყოფებიან ჩვენი წარმომადგენლები კრედიტების მოსაპოვებლად, რომ საჭიროა პოლიტიკური სტაბილიზაცია და ინვესტიციები. აღვნიშნავთ იმასაც, რომ ბატონი რომანი მომხრეა პარლამენტის ვადამდელი არჩევნებისა მას შემდეგ, რაც პარლამენტი შესდგება ახალი კონსტიტუციის შემუშავებასა და მიღებას, რისთვისაც მან ივარაუდა დაახლოებით წელიწადზე ცოტა მეტი.

პარიზში გადახვეწილი ერთი ქართველი ემიგრანტი გულმოკლული აღწერდა რა 1918-21 წლების დამოუკიდებელი საქართველოს შეჭირვებულ ყოფა სინანულით დასძენდა: „როგორი საოცნბო ფერებით მეხატებოდა დამოუკიდებელი საქართველო, რომელზედაც ვფიქრობდი ახალგაზდობაში, — ბედნიერი, ლამაზი, თავისუფალი აღორძინებული, მდიდარი და როგორ მიხდება აღწერა სიბერის ჟამს რეალური დამოუკიდებლობისა, რაც სინამდვილეში იყო.“

ნუთუ ყველა განხორციელებული ნატვრა, ასეთი უკუღმა რამ არის? რასაკვირველია, არა, მაგრამ ბედმა სწორედ ამ დროს დაგვსაჯა მენშევიზმით, როგორც რუსული ამობლუყუნებით —“ო.

სამწუხაროდ, იგივე სიტყვების გაქორება მიწვეს დღეს როცა საქართველომ 70 წლის დამთრგუნველი მონობის შემდეგ კვლავ აღიდგინა დამოუკიდებლობა და აგერ უკვე ორი წელია თავისუფალი ქვეყნის შეილება გვქვია.

მაგრამ ეს არ არის ის დამოუკიდებელი ივერია, რომელზედაც ჩვენ ყველანი ვოცნებობდით — ძლიერი, ლამაზი, თავისუფალი, აღორძინებული, მდიდარი. პირიქით ჩვენ ვართ მოქალაქენი სუსტი, უბედური, სახეწაშლილი, დაბეჩავებული, ღარიბი საქართველოსი.

არა მხოლოდ იმიტომ, რომ განგებამ დამპყრობელშიც არ მოგვცა ყისმათი და დიდუანდარში რუსეთი თავის ყოფი კოლონიებს კვლავაც სისხლს უშრობს, არამედ იმიტომაც, რომ დამოუკიდებლობის ხელმეორედ მოპოვებისას ბედმა დაგვსაჯა სახელმწიფოს სათავეში არასახელმწიფოებრივი ჭკუის მქონე, პოლიტიკური ამბიციებით შეპყრობილი ადამიანების დიდი ჯგუფის მოვლინებით.

დამოუკიდებლობის გამოცხადების შემდეგ თავისუფლებისათვის ბრძოლა, თითქოს ეს თავისუფლება რეალურად უკვე მოპოვებული გვქონდა, შეცვალა ბრძოლამ ძალაუფლებისათვის.

დღეს ბევრი ლაპარაკია იმის შესახებ თუ როგორ უნდა შეფასდეს დეკემბერ-იანვრის მოვლენები სახალხო აჯანყებად, დემოკრატიულ რევოლუციად თუ სამხედრო გადატრიალებად? ვერ დავიწყებ, მაგრამ ჩემის პირადი აზრით, არც ერთი მომხდარა საქართველოში, არც მეორე და არც მესამე, არც შეიძლება მომხდარიყო, რადგან არც სახალხო აჯანყებას, არც რევოლუციას და მით უფრო არც სამხედრო გადატრიალებას საქართველოს ისტორიაში ანალოგი არ აქვს. თვით 1917-წლის თებერვლის რევოლუციაც კი რომელზედაც ბოლშევიკებმა ტომები დაწერეს, როგორც ამბობდა ტიციან ტაბიძე საქართველოს ფოსტით ეცნობა.

საქართველოში ანალოგი აქვს მხოლოდ ძალაუფლები-

სათვის ბრძოლებს, რისი განმეორებაც მოხდა მეოცე საუკუნის მიწურულს და რის გამოც უპირველესი პასუხისმგებელი ისტორიის წინაშე იქნება „მრგვალი მაგიდა“ თავისი ორი ფრთით პრეზიდენტის მომხრეებით და პრეზიდენტის განდგომილებით.

პრეზიდენტყოფილი. თავისი გუნდითურთ პასუხისმგებელი იქნება ისტორიის წინაშე იმის გამო რომ არ შეისმინა ჭეშმარიტი, კონსტრუქციული საპარლამენტო ოპოზი-

ჩვენ პრეზიდენტყოფილს მმართველობის ხანაში თეორიული პროგნოზის დონეზე ვწერდით და ვამბობდით, რომ ძმათა ომში გამარჯვებული არ იარსებებს.

ჩვენ დღეს ჩვენი ძმების, იმ მხარისა თუ ამ მხარის დალუპულთა გვამების ხარჯზე პრაქტიკულად დაგვრწმუნდით, რომ ძმათა ომში გამარჯვებული არ არსებობს.

მართალია, ერთმა ძალამ გაიმარჯვა მეორეზე, მაგრამ დამარცხდა საქართველო რი-

იმ ომისადმი რომელიც ჩვენს ყოფნა-არყოფნას წვევს და იქ მიმდინარე ამბების შესახებ მაცნედან ისე ვისმენთ ინფორმაციებს თითქოს ჩვენი სისხლ-ხორცის ნაცვლად აცეკვები იხოცებიან ოკეანის გაღმა. ბრძოლის ველზე ვინ ჩივის, აქ, სამედიცინო დაწესებულებებშიც გვიჭირს მცირეოდენი სისხლი გავიღოთ ჩვენი გმირი მებრძოლებისათვის. ასეთია ძალზედ სქემატურად თუ წარმოვიდგენთ საშინაო ყოფა დამოუკიდებელი საქართველოსი და ამან

წყებით მიჰყავს ქვეყანა უფარულსავე რადგან პრეზიდენტობა და პიროვნებებიც დამოუკიდებელია ამ ქვეყანაზე, საქართველო კი მარადიული.

საქართველო ომშია ჩათრეული, ფაქტია, გვედავებიან და გვეგლეჯენ ჩვენს მიწას ამიტომ ჩვენი ომი სამართლიანია. არადა, სამართლიანობა, რომელსაც ზურგს არ უმაგრებს ძალა უძლურია. უძლურ სამართლიანობას ფეხქვეშ გაიგებენ. ამისათვის გვჭირდება ერთიანობა, როგორც ჩვენი ძლიერების დასტური და არა ქიშპი მიზეზი ჩვენის უძლურებისა. ჩვენი ქვეყნის ბედი იმ ზომადლისას ჰგავს ზღვის შტორმი რომ აქანავებს და აქა-იქ წყალს შეუღწევია, ჩაძირვა რომ ემუქრება. გოგებაშვილის მოხდენილი შედარებით ასეთ დროს ზომადლიდან ზომადლის ვირთაგვები გარბიან.

გემზე რჩება მცირე ჯგუფი მამულიშვილებისა, რომელთა გემის კაპიტანს კი არ აყვედრიან ასეთ შტორმში მოხვედრას, ნასერელების ამოვსებასა და წყლის ამონახავს ცდილობენ, რათა ზომადლი სამშვიდობოს გაიყვანონ. ვგულისხმობ, ჩვენს თავს ამ ჯგუფში ჩასაძირად განწირულ ზომადლზე წყლის ამონახავს ნაცვლად თუ ერთმანეთის განკითხვა დაეწყეთ ამით მხოლოდ განკითხვის დღეს მოვიახლოვებით და ჩვენს ისტორიას სხვა ზომადლის ბინადართა წასაკითხად ვაქცევთ.

საქართველოს სახალხო ფრონტი შოვალეა ეს აზრი გაუცნობიეროს ყველას ვინც ზომადლის ვითაგვებივით იქცევა ჩვენი სახელმწიფოს მშენებლობის ამ უძნელეს ეტაპზე. დღეს საყვედური იმის შესახებ თუ რატომ უნდა იკრძალებოდეს იმჟამინდელი ოპოზიციისათვის ბრძოლის ის მეთოდები, რასაც ყოფილი ხელისუფლების წინააღმდეგ იყენებდნენ ცალკეული იმჟამინდელი პარტიები, მხედველობაში მაქვს არასანქცირებული მიტინგებით ქუჩების გადაკეტვა, ბარიკადების აგება რუსთაველის პროსპექტზე ერთი შეხედვით სამართლიანია. სამართლიანია იმ თვალსაზრისით, რომ ხელისუფლებაში მოსულია და ამკრძალავის როლში გამოდის ის ძალა, რომელიც თავად სჩადიოდა იმას, რაც კანონით იმჟამადაც იკრძალებოდა.

მაგრამ ასეთი მოდგომა უფრო ჟინის გამოვლინებაა და არა სახელმწიფოებრივი ინტერესისა.

როდესღა უნდა დაიწყოს პროცესი სახელმწიფოში იმისა, როცა კანონი კანონობს და მოქალაქე კანონს ემორჩილება.

წინამორბედის ცდომილებით ახალი ცთომილება არ მართლდება, თუნდაც წინმორბედი კანონმდებლის როლში იყოს მოვლენილი, რადგან სახელმწიფოს კანონები უნდა მართავდეს და არა ცალკეულ პირთა თუ პარტიათა ხუმტურები.

## სიტყვა, თქმული საქართველოს სახალხო ფრონტის ყრილობაზე

1993 წლის 24 აპრილს

ნოდარ ბრიგადაშილი

ციის, „დემოკრატიული ცენტრის“, აჯა-ვედრება, რათა რეალურად, საქმით მიემართა კომპრომისისათვის და თავიდან აეცილებინა სამოქალაქო სისხლის ღვრა. ნოდარ ნათაძის „დემოკრატიული ცენტრის“ თავმჯდომარის ძალისხმევით კიტოვანმა იმჟამად ხელი მოაწერა ტექსტს, რომლის მოთხოვნითაც განდგომილი გვარდია მშვიდობიანობის დროს დაემორჩილებოდა პარლამენტს და მოექცეოდა სახელმწიფო სტრუქტურებში. გამსახურდიამ ამ ტექსტს არ მოაწერა ხელი, იმ მოტივით, რომ ჯარი (და ეს სამართლიანი არგუმენტი იყო) პრეზიდენტს და ემორჩილებოდეს. მაგრამ გამონაკლისების ქვეყანაში, სადაც წერა კითხვის ისეთი მცოდნე კაცი ხელმოწერისას სახელს რომ სრულად წერდა და გვარის მხოლოდ ინიციალს, თუკი შეიძლებოდა მინისტრი გამხდარიყო, ქვეყანაში სადაც გამონაკლისის სახით მთავრობის სახლის დამატებით კორპუსად დემოკრატიული კარავ ქალაქი იდგა. ქვეყანაში, სადაც დეპუტატების სესიაზე შემება ქალების „მორიგი ლაშქრის“ ნება-სურვილზე იყო დამოკიდებული, ყოფილიყო ერთი გამონაკლისიც, დამორჩილებოდა გვარდიის ერთი ნაწილი პარლამენტს განა კომპრომისი თუნდაც კურიოზული არ სჯობდა იმ უკომპრომისობას, რომელმაც ტრაგიზმამდე მიგვიყვანა? თენგიზ კიტოვანი, თენგიზ სიგუა და შემდეგ მათ ალიანსში შესული ჯაბა იოსელიანი ასევე პასუხს აგებენ ისტორიის წინაშე, თუ რატომ არა დღეს, ქვემოთ მოგახსენებთ იმის გამო, რომ ვერ გაითვალისწინეს რა შედეგი შეიძლებოდა მოჰყოლოდა ხალხის მიერ არჩეული ხელისუფლების იარაღის ძალით დამხობას, რომ მათი სურვილის საწინააღმდეგოდ, ფაქტია, უარესად აირია ქვეყანა დეკემბერ-იანვრის შემდეგ. უარესად წაეკიდა ძმა-ძმას, რომ უზარმაზარი სულიერი და მატერიალური კრახით ვხდეთ ის შედეგები რაც ძმათა ომმა გამოიწვია.

სი მკაფიო დასტური არის ატირებული ოჯახები. რისი დასტურია დაქცეული ეკონომიკა. რისი მკაფიო დასტურია მაფიისა და კრიმინალთა არნახული პარაში. რისი მკაფიო დასტურია აფხაზთა სეპარატისტების არნახული სითავხედე, ორად გაყოფილი საქართველოსთან დროის მოხელთება.

რაც არ უნდა პარადოქსად ჟღერდეს, წინსვლა მხოლოდ ქართული ჯარის შექმნის პროცესს ეტყობა, ოღონდ ამ წინსვლის ჩასიათსა და ტემპს კარგად გამოხატავს ერთი ანეკდოტი — პოლკოვნიკი მოხსენებას უკეთებს გენერალს თავისი ნაწილის დწევებზე. მოხსენება დაამთავრა სიტყვებით — „ყველაზე მეტი წარმატება გვაქვს დისციპლინაში“ უეცრად კარი გაიღო, ჯარისკაცმა თავი შემოყო და პოლკოვნიკს მიმართა: — ეჭვი, ბებერო, წავიყანო მანქანა, არა?

აღელვებული პოლკოვნიკი გენერალს მიუბრუნდა: — ხელავთ, ბატონო ერთი წლის წინათ არც კი დამკითხებოდნენ. ერთი სიტყვით, ყველაფერი არის ძლიერ ცუდად და ამაში ზემოხსენებული ჯგუფების გარდა ბრალი მიგვიძღვის ყველას, პარტიებს, მთელს საზოგადოებას. რადგან ყველაფერზე რაც საქართველოში ხდება შთამომავლობა თითოეულს მოგვკითხავს პასუხს.

ერთი მოაზროვნე წერდა: „ადამიანის მგრძნობელობა ყოველგვარი წვრილმანისადმი და მისი სრული უგრძნობელობა ყოველივე დიადის მიმართ-სულის უცნაური გახრწნილების ნიშანია“.

ჩვენი საზოგადოება უცნაურად მგრძნობიარეა ყოველგვარი წვრილმანისადმი და სრულიად უგრძნობელი დიადის მიმართ. თუ რომელიმე პარლამენტარმა რაღაც სისულელე წაიჩერებდა, ამაზე მეორე დღეს მთელი ქალაქი საოცარი ცნობისმოყვარეობით ლაპარაკობს, მაშინ როცა დიახაც საოცრად უგრძნობელი ვართ

მაიმულა ჩემი მოხსენების შესავალში ქართველი ემიგრანტის სიტყვები მომეხმო — „ნუთუ ყველა განხორციელებული ნატვრა ასეთი უკუღმართი რამ არის?“

არა და არა. უპირველესი მიღწევა ჩვენი არის ის, რომ ჩვენი ბედი ჩვენვე გვიყვრება ხელთ. ჩვენ შეგვიძლია და მოვალენი ვართ ყველაფერი გავიღოთ იმისათვის რომ იყოს ბედნიერი, ლამაზი თავისუფალი, აღორძინებული, მდიდარი.

ამ მიზნის მისაღწევად უპირველეს ყოვლისა უნდა გავითვალისწინოთ შეცდომები. ჭკვიანები შეცდომებზე სწავლობენ, ბრიყვნი შეცდომებს შეუცდომლად იმეორებენ. საზოგადოების ერთ ნაწილს მი-აჩნია, რომ უნდა აღსდგეს სამართლიანობა ანუ სახელმწიფო გადატრიალების წილ უნდა მოხდეს სახელმწიფო გადატრიალება. ისინი გულისფანცქალით ელიან ამ ხელისუფლების დამხობას და იმ ხელისუფლების აღდგენას. ამისათვის იმართება უსანქციო მიტინგები, ამისათვის ცხადდება მშვიდობიანი დაუმორჩილებლობა. ამისათვის ეწყობა დივერსიები.

მე ზემოთ მოკლედ აღწერე სურათი იმისა, რა მოჰყვა გადატრიალებას.

იგივე მოხდება გადმოტრიალების დროს.

ისევე დაობლდება ოჯახები. კიდევ უფრო გაპარტახდება ქვეყანა

კიდევ უფრო გაყოფილებიან შინაური სეპარატისტები, საბოლოოდ გვიკარნახებს რუსეთი თავის ნებას, რადგან ერთმანეთის მტრობაში პიროვნულად იქნებ გასაგებიც იყოს შურისძიების სურვილი იმ შეურაცხყოფილი ადამიანებისა რომელნიც 1992 წლის 6 იანვრის შემდეგ იარაღის ძალით ხელისუფლებიდან უცებ ოპოზიციაში აღმოჩნდნენ, მაგრამ არ შეიძლება შურისძიება საქართველოზე. ის ვინც რევანშისკენ მოუწოდებს ადამიანებს შლეგური თავდავი-

## საქართველოს სახალხო ფრონტის III ყრილობის რეზოლუცია

### საქართველოს რესპუბლიკის კონსტიტუციის ახალი რედაქციის მიღების ღაჩქარებისა და გადამღელი საპარლამენტო არჩევნების ჩატარების შესახებ

ითვალისწინებს რა საქართველოში შექმნილი მძიმე პოლიტიკური ვითარების განმუხტვისა და უმძიმესი ეკონომიკური კრიზისიდან ქვეყნის გამოყვანისათვის საჭირო პირობების აუცილებლობას, საქართველოს სახალხო ფრონტი თვლის, რომ საჭიროა საქართველოს რესპუ-

ბლიკის 1921 წლის კონსტიტუციის ახალი რედაქციის მიღებისთანავე ახალი, რიგგარეშე საპარლამენტო არჩევნების დაინიშნა, ისეთი პირობების შექმნით, რომელიც უზრუნველყოფს მასში მონაწილეობის მიღებას ყველა პოლიტიკური ორგანიზაციის მიერ.

## საქართველოს სახალხო ფრონტის III ყრილობის რეზოლუცია

### საქართველოს რესპუბლიკის საბარეო პოლიტიკის პრიორიტეტების შესახებ

საქართველოს სახალხო ფრონტი სავსებით იზიარებს საქართველოს საგარეო პოლიტიკური ხაზის განსაზღვრას, როგორც აქტიური ნეიტრალიტეტის პოლიტიკისა.

ამასთან ერთად, სსფ თვლის, რომ საქართველოს რესპუბლიკამ საგარეო პოლიტიკაში ორიენტაცია უნდა აიღოს დასავლეთზე, როგორც ეკონომიკურად მძლავრ, თავისუფალ, დემოკრატიულ საზოგადოებაზე;

სსფ მიიჩნევს, რომ საქართველოს დამოუკიდებლობა, მისი ტერიტორიული მთლიანობისა და საზღვრების ხელშეუხებლობის პოლიტიკური უზრუნველყოფა შესაძლებე-

ლია მხოლოდ იმ შემთხვევაში, თუ ჩვენი სახელმწიფო ყველა სხვა სახელმწიფოსთან, მეზობლებთან და არამეზობლებთან, გაატარებს ორმხრივ ხელშეკრულებებზე ან მრავალმხრივ შეთანხმებებზე და კონვენციებზე დაფუძნებულ ისეთ პოლიტიკას, რომელიც გამორიცხავს საქართველოს საშინაო საქმეებში ჩარევის ნებისმიერ საბაბს და შესაძლებლობას ნებისმიერ სახელმწიფოს მხრიდან.

საქართველოს სსფ-ს აზრით საქართველოს საგარეო პოლიტიკის ქვაკუთხედი უნდა იყოს კავკასიური ერთობის პოლიტიკა, დამყარებული კავკასიის ერების ერთობლივი ინტერესების პრინციპზე.

## საქართველოს სახალხო ფრონტის III ყრილობის რეზოლუცია

### საქართველოდან რუსეთის ჯარების გაყვანის თაობაზე

ითვალისწინებს რა იმ ძირგამომთხრელი მუშაობის მასშტაბებს, რომელსაც რუსეთის სპეცსამსახურები ეწევიან საქართველოს რესპუბლიკის წინააღმდეგ და იმ აშკარა აგრესიას, რომელსაც რუსეთის შეიარაღებული ძალების აფხაზეთში განლაგებული ნაწილები ახორციელებენ საქართველოს შეიარაღებული ძალების და მშვიდობიანი მოსახლეობის წინააღმდეგ და განსაკუთრებით იმ გარემოებას, რომ არ არსებობს

არანაირი გარანტია. იმისა, რომ მსგავსი აგრესია არ იქნება განხორციელებული საქართველოს რესპუბლიკის სხვა პუნქტებში დისლოცირებული რუსეთის სამხედრო ნაწილების მიერ, საქართველოს სახალხო ფრონტი მოითხოვს: საქართველოს რესპუბლიკის ტერიტორიიდან რუსეთის შეიარაღებული ძალების ყველა სახეობის ნაწილების გაყვანას ტექნიკურად შესაძლებელ უმოკლეს ვადაში.

## საქართველოს სახალხო ფრონტის III ყრილობის რეზოლუცია

### ცხინვალის რეგიონში შექმნილი მდგომარეობის შესახებ

ე.წ. სამშვიდობო ძალების შეყვანის შემდეგ ცხინვალის რეგიონში შექმნილ ვითარებას საქართველოს სახალხო ფრონტი თვლის მოწვევებით მშვიდობად, რომელიც მხოლოდ ოსურ ექსტრემიზმს და მის ზურგს უკან მდგარ რუსულ სახელმწიფოს აძლევს ხელს და ამას მიიჩნევს საქართველოს როგორც დამოუკიდებელი სახელმწიფოს უძირითადესი უფლების-საკუთარი მიწაწყლის სულიად და განუყოფელად გაკონტროლების უფლების უხეშ შელახვად, ქართველი ერის ღირსებისა და შიდა ქართლიდან აყრილი მკვიდრი ქართული მოსახლეობის უფლებების აბუნად აგდებად.

შექმნილი მდგომარეობიდან ღირსეულად და საქართველოს სუვერენული უფლებების დაუთმობლად გამოსვლისათვის საქართველოს სახალხო ფრონტი საჭიროდ მიიჩნევს:

1. ცხინვალის რეგიონის მთელ ტერიტორიაზე საქართ-

ველოს რეალური სუვერენიტეტის აღდგენას.

2. ცხინვალის რეგიონიდან სხვა სახელმწიფოთა უკლებლივ ყველა სამხედრო ნაწილის გაყვანის და უცხო სახელმწიფოს ყველა უნებართვოდ შემოსული მოქალაქის მიერ საქართველოს ტერიტორიის დატოვებას.

3. შიდა ქართლში ჩადენილი ყველა დანაშაულის გამოძიების და დამნაშავეთა გასამართლებას.

4. ყველა სახის უკანონო შეიარაღებული ფორმირების განიარაღებას და დაშლას.

5. ცხინვალის რეგიონიდან იძულებით აყრილი ქართული მოსახლეობის თავიანთ საცხოვრებელ ადგილებში დაბრუნებას და მათი უსაფრთხოების უზრუნველყოფას.

6. ცხინვალზე გამავალი ნარკობიზნის გზის გადაკეტვა ნებისმიერი საშუალებით.

7. ცხინვალის რეგიონში საქართველოს უზენაესი საბჭოს მაჟორიტარული წესით არჩევნების ჩატარება.

## საქართველოს სახალხო ფრონტის III ყრილობის რეზოლუცია

### მიწის პრივატიზაციის პროცესის ღაჩქარების შესახებ

მხარს უჭერს რა საქართველოში მიმდინარე მიწის პრივატიზაციას, საქართველოს სახალხო ფრონტი აღნიშნავს, რომ ამ როცესის შენელება და გაჭიანურება ეწინააღმდეგება საქართველოს ეროვნულ ინტერესებს. სსფ მოითხოვს, რომ რე-

სპუბლიკის მთავრობამ უზრუნველყოს უმოკლეს ვადაში მიწების მოსახლეობაზე მაქსიმალურად განაწილება და კერძო მეურნეობებისათვის ფინანსური ხელშეწყობა მათი მინიმალური დაბეგვრისა და ხელსაყრელი კრედიტების სახით.



## საქართველოს სახალხო უკონგის თავმჯდომარეს

### ბატონ ნოდარ ნათაქას

ბატონ ნოდარ, 1989 წლის ზაფხულში სახალხო ფრონტის I ყრილობის მიმდინარეობის დროს ქვემო ქართლიდან მოვიდა საგანგაშო ცნობა, იქაური არაქართული მოსახლეობიდან ეთნოკონფლიქტის მცდელობის შესახებ. იმჟამად თქვენ აგირჩიეს სახალხო ფრონტის თავმჯდომარედ და, აი, იმ დღიდან მოყოლებული (მანამდე ჩვენ ბავშვები ვიყავით და არ გიცნობდით) გზედავთ ყველგან, სადაც საქართველოს განსაკუთრებით უჭირს. ქვემო ქართლი იქნებოდა ეს, მესხეთ-ჯავახეთი, სამაჩაბლო თუ აფხაზეთი.

თქვენი შემართება და მამულიშვილობა გვაშენებებს. გვინდა დიდხანს სიცოცხლე გისურვოთ და მოგილოცოთ სსფ-ს მე-3 ყრილობაზე ამ პატრიოტული ორგანიზაციის თავმჯდომარედ კვლავ ერთხმად არჩევა.

ბატივისცემით  
თბილისის სახელმწიფო უნივერსიტეტის სტუდენტები



## მულოცავთ

ჩვენი რედაქციის თანამშრომლებს

ხათუნა ცხადაძეს

და

თენგიზ

გოგოტიშვილს

ოჯახის შექმნას, ვუსურვებთ ახალ შეუღლებულებს ბედნიერებასა და მრავალშვილიანობას.

გაზეთ

„საქართველოს“

რედაქცია.

### ბამოხმასურება

## რამდენივე შეპიტხვა ბატონ ნოდარ ლომოს

აჭარის ხელისუფალთ არაერთხელ, მათ შორის რუსულენოვანი მკითხველისათვის, საჭაროდ განუცხდებიან, რომ აჭარაში ოპოზიცია სუსტია და ხელისუფლებას მოსახლეობისაგან ტოტალური მხარდაჭერა აქვს.

პოდა, სწორედ ამ „სუსტი ოპოზიციის“ წინააღმდეგ აგერორ თვეზე მეტია გაზეთ „აჭარასა“ და აჭარის ტელევიზიაში მართლაც ტოტალური ლაშქრობა მიმდინარეობს. ამ ხნის განმავლობაში თითქმის არ გამოსულა გაზეთის ნომერი, სადაც ოპოზიციონერთა „კრიტიკა“ (უფრო კი ლანძღვა-გინება) არ იყოს.

ოპოზიციისთვის კი აჭარის საინფორმაციო საშუალებების კარები საიმედოდ და ჩაბრუნებული. თითქოს ეს საკმარისი არ იყოს და არც თუ იშვიათად თბილისიდან ცნობილი პიროვნებები მხარს უბამენ ამ კამპანიას აჭარის ხელისუფლების პოლიტიკის ოპოზიციონერთა წინააღმდეგ. ამის გამოხატულებაა ცნობილი მეცნიერის, პროფესორ ნოდარ ლომოსის წერნის „საქართველოს ოპოზიციისათვის არ სცალია, ანუ „არაპროფესიონალური ამბიციურობა“ (საქართველოს რესპუბლიკა, 17 აპრილი, 1993) ერთი პატარა მონაცემი.

პროფ. ნ. ლომოსი აღნიშნავს, რომ ის ძალიან კარგადაა განწყობილი საქართველოს რესპუბლიკის პარლამენტის წევრების — დავით ბერძენიშვილისა და თამაზ დიასამიძისადმი, მაგრამ ისინი მისივე აღნიშვნით პიროვნულ მოტივებს (!-მ.მ.) ეროვნულ ინტერესებზე მაღლა აყენებენ და ამასთან, აგერ ერთი წელია, აჭარაში დესტაბილიზაციის გამოწვევას ცდილობენ, მაშინ როცა აჭარაში სასურველი სტაბილიზაციაა.

უმძიმესი ბრალდებაა! ამასთან დაკავშირებით ჯერ რამდენიმე შეკითხვა გვაქვს პროფესორთან.

ბატონ ნოდარ! — რით ახსნით იმ ფაქტს, რომ თბილისში არ ჩამოდის არა მხოლოდ საქართველოს პარლამენტის წევრი, აჭარის უზენაესი საბჭოს თავმჯდომარე, არამედ აჭარის მინისტრთა საბჭოს თავმჯდომარე, აჭარის უზენაესი საბჭოს კომისიის თავმჯდომარეები ზოგიერთი მინისტრი, თუმცა მათ ვიზიტებს საქართველოს ფარგლებს გარეთ თვლა არა აქვს?

— რამდენად გამართლებულად მიგაჩნიათ აჭარის ხელისუფლების მიერ მოსახლეობაში დიდი რაოდენობით იარაღის დარიგება რეგიონში სტაბილიზაციის შენარჩუნების მიზნით?

— შეიძლება თუ არა სტაბილურად სანიმუშოდ ჩაითვალოს რეგიონი, სადაც იტა ბენ დეპუტატებს და ფიზიკურ შეურაცხყოფას აყენებენ მათ, არბევენ ოპოზიციონერთა ოფისებსა და საცხოვრებელ სახლებს და სხვა. ამ დროს კი არც ერთი შემთხვევა გამოძიებული არ არის?

— დემოკრატიის რომელ ფორმას მიაკუთვნებთ იმას, რომ გაზეთი „აჭარა“ ორ თვეზე მეტია თითქმის მთლიანად ოპოზიციონერთა ლანძღვა-გინებას უნდება და ამასთან კატეგორიულ უარს ამბობს მათი

საპასუხოწერილების მოკვეთებაზე?

— როგორ შეფასებას მისცემდით იმ ფაქტებს, რომ ბათუმში ზარ-ზეიმით ხვდებიან რუსეთის ფედერაციის უმაღლესი საბჭოს წევრებსა და რუსეთის თავდაცვის მინისტრს (მაშინ როცა, გენერლის პროვოკაციულ განცხადებას იმთავითვე მკვეთრად უარყოფითი შეფასება მისცა საქართველოს სახელმწიფოს მეთაურმა), ხოლო საქართველოს პარლამენტის წევრთა ერთ ჯგუფს საშუალებას არ აძლევენ შეხედნენ ამომრჩევლებს ბათუმში დიქიდან აძველებენ კიდეც?

— ვისი „დამსახურებაა“ — აჭარის ხელისუფლების თუ მისი ოპოზიციის, რომ რუსეთის ფედერაციის უმაღლესი საბჭოს, პრეზიდენტს საქართველოს რესპუბლიკის ხელმძღვანელობისაგან გენერლის ავლით იღებს დადგენილებას და იწონებს წინადადებას აჭარის ავტონომიურ რესპუბლიკასთან ეკონომიკური და პუშნური კავშირების განვითარების შესახებ? (დაწერილობით იხ. გაზეთი „უწყებანი“, 17 აპრილი, 1993).

— საერთოდ როგორ უყურებთ ამგვარ დადგენილებას და როგორ შეაფასებთ ბოლო ხანებში რუსეთის მხრიდან დიდ მზრუნველობას აჭარისადმი? სხვა კითხვებიც არის, მაგრამ საქმის არსის გასაგებად აქ საკმარისია.

ბატონ ნოდარს ვთხოვ ამ კითხვაზე პასუხის გაცემის გარეშე ნუ შეეცდება ჩვენი მიმართვის შეფასებას.

პროფ. ნ. ლომოსი აჭარის ხელისუფლების ოპოზიციონერთა თვალში ბევრს ეძებს, ხოლო ხელისუფალთა სახიფათო თამაშს თითქოსდა ვერ ამჩნევს. აქ თავის მართლება იმით, რომ „მე არ ვიცი, შესაძლოა აჭარაში რაღაც დარღვევები ხდება...“ „საქმეს ვერ უშლის. ამ შემთხვევაში ჯერ ვიკარებთ გაგებას საჭირო და შემდეგ დასკვნების გაკეთება. ბოლოსდაბოლოს შეიძლება მიხედოვით ორივე მხარესთან, მოუსმინო მათ ურთიერთშენიშვნებს, შეაჯერო ისინი და დასკვნების გაკეთება აღარ იქნება ძნელი...“

აჭარის ხელისუფლების ოპოზიციონერები, დიდი რისკის ფასად, მამულიშვილური პოზიციიდან ამოსულნი სიმართლეს ამბობენ აჭარის ხელისუფლების სახიფათო თამაშზე. ყოველივე ამის შემდეგ მათ საკმარისად მხოლოდ ამბიციურობისა და პირადი ინტერესების ეროვნულზე მაღლა დაყენების აშოკითხვა, პირადად მე მკრეხლობად მიმაჩნია.

დაბოლოს, რიტორიკული კითხვა: თუკი პარლამენტარები დ. ბერძენიშვილი და თ. დიასამიძე ერთი წლის განმავლობაში შეგნებულად ცდილობენ აჭარაში დესტაბილიზაციის გამოწვევას, როგორც ამას პროფ. ნ. ლომოსი აღნიშნავს, მაშინ თვითონ ბატონი პროფესორი როგორღაა „ძალიან კარგად განწყობილი“ მათ მიმართ?

მიხაილ მახარაძე.

„როსტომი ჩხეიძე არავის და  
არაფერს არ უწევს ანგარიშს. არც  
სხვათა მოსაზრებებს, არც ისტორი-  
კული ფაქტებსა და მოვლენებს,  
არც არგუმენტებს, არც დიდ შე-  
რლებასა და მეცნიერებს, არც  
ხალხსა და არც ქვეყანას“. ოპო-  
ზიტი ალუშოთობა ამ სიტყვებს  
რო თქმა უნდა „მძიმე ბრალდებაა“  
რა თქმა უნდა აღსაშვოთებელია  
მაგრამ, ჯერ ერთი, ამ მითქმას-  
ის სიტყვები მის სხვა ნაშრომთან  
დაკავშირებით. ვთქვი საკაპემსთან  
დაკავშირებით, რადგან ადგა  
ერთი ხელის მოსმით მონდობა  
ვეფლავის გადართვა, რაც კი  
უზარმაზარ კვლევის ისტორიაა  
შეადგენს დიდი მოუზრვის გარშე-  
შია. ახლა რას გააშთაწორებს  
საბოგნაური ნარკვევად იმ წერი-  
ლის გამოცხადება, აღსაშვოთებ-  
ლი გახლდათ „წორედ მისი გან-  
საზრებებიანი, რომელიც არც „აღ-  
გორიოდ და არც სიმბოლურ-  
მალაში არ ყოფილა გახვედრის  
მიშვლად „მკვეთრად“ (როგორ  
თავად აღნიშნავს) იყო გამოთქმუ-  
ლი. ახლა ენახით, არის თუ არა  
ჩემს საშინელ ბრალდებებში“ რა-  
იმე უზუსტოდ. უწევს ოპონენტ-  
ანგარიშს სხვათა მოსაზრებებს  
კერძოდ, გივი ჯაბურაიას, ნოდარ  
შერვაშიას, სიმონ გამსახურდიას  
რამა ზვიცხვალიაშვილის, ნიკო ბე-  
რძენიშვილისა და სხვათა მოსაზრ-  
ებებს?... საქართველოს ისტორი-  
კარკვევების რეპრეზენტებს? საქარ-  
თველოს ისტორიის სახელმძღვანე-  
ლებებს? იგივე გომარეთის, ტიცა-  
ტაბიძის, გურიელ თრიაქიძის, ვა-  
ჟა-შაველიას, ილია ჭავჭავაძის  
აკაკი წერეთელს? (აკაკი წერეთ-  
ლიან დაკავშირებით ცალკე უნდა  
ითქვას!), პლატონ იოსელიანს,  
ტიონ ფურცლავას და მე-18, მე-19  
საუკუნის მემატიანეებსა და მოგ-  
ზაურებს? ვერც მეცნიერებს? ვერც  
მეცნიერებს და ვერც წყაროებს  
სრულად ვერ ნათითვლი!.. იქნე-  
ის ისტორიულ ფაქტებსა და მოვლ-  
ნებს უწევს ანგარიშს?

ეპიზოდებად აცხადებს ტაშის-კარს, მარტყოფს, მარაბდას და ქსანს, საყოველთაო სახალხო ბრძოლას, რომელსაც გიორგი სააკაძე, ორი წლის განმავლობაში ხელმძღვანელობდა ირანის წინააღმდეგ.

მკვლევარმა ვახტანგ სიდაშონიძემ წლების წინათ გამოცდა კრებულ სააკაძისადმი მიძღვნილ ლექსებისა და გადმოცემებისა, რომელთა სოლიდური ნაწილი სწოედ რომ ანტონ ფურცელაძის წიგანდგა შექმნილი. ხალხის უსახელო სიყვარულზე მეტყველებს არა მარტო ეს გადმოცემები, არამედ ისტორიული წყაროები (იგივე პლატონ იოსელიანის ცნობები) მეტყველებს, უპირველეს ყოვლისა, უტყუარი ისტორიული ფაქტები. თავდავუწყებით შეყვარებული და იმედით გამსჭვალული ერი ერთსულოვანად მიყვებოდა მას მტრის წინააღმდეგ ბრძოლაში ტაშისკართან, მარტყოფთან, მარაბდასთან, ქსანიან, (რომ არაფერი ვთქვათ შედარებით წვრილ-წვრილ ბრძოლებზე).

აი, ამ ხალხსა და ქვეყანას, ისტორიულ ფაქტებსა და მოვლენებს, მწერალითა, მეცნიერთა მოსაზრებებს, წყაროებში დაცულ ცნობებს არ უწყებს აგარიშს როსტომ ჩხეიძე. მას, ცხადია, შეუძლია არ დაეთანხმოს არაფერს, საპირისპირო მოსაზრებებს დაეყრდნოს, მაგრამ ანგარიში არ გაუწიოს ამოდენა ტრადიციას და უზარმაზარი მოცულობის დოკუმენტურს, ეს არ მოხერხდება! ასეთი მცდელობისას მას მუდამ უნდა პქონდეს მოლოდინი „მკვეთრი“ შეპასუხებისა.

როსტომ ჩხეიძე ცდილობს მკითხველს ჩაუტყდოს ფეხი, თითქოს ჩემი წიგნი რეალურ ისტორიულ პიროვნებას არის დამორბეული. იმიტომ რომ ჩემს მიერ გამოკვლეული დიდი მოურავის პიროვნება როსტომ ჩხეიძის „სასურველ ხაზს“ არ ემთხვევა? როსტომ ჩხეიძეს მხოლოდ თუ ჩაუხედავს ჩემს წიგნში და ამოკრება „ღაფსუსები“. მან ეს წიგნი საერთოდ არ იცის, არც მომავალში ეცოდინება, რადგან სიძულვილით მივიღე მასთან, სიძულვილით აიღებს მომავალშიც მას ხელს, არც წიგნის სტრუქტურას, მაიქცევს ყურადღებას, და არც იქ გაშლილ ანალიზს. მისთვის მთავარია, გადმოისროლოს ფრაზა, ჯანსუღ ღვინჯილიას წიგნი ორიოდ ნაშრომის კომენტარია და მეტი არაფერი. როცა ეს აზრი უნდა დაამკვიდროს, რა ხელს აძლევს წიგნის გამოქვეყნებითი ანალიზი. მარტყოფის აჯანყებას უწოდა რაღაც ეპიზოდი და ჩემი წიგნისათვის სხვა ნაშრომების კომენტარები ეწოდებინა, რატომ გაუჭირდებოდა?

ვარაუდო ბატონ ივანე ჯავახიშვილზე მე არ განმეითარება. განავითარა იგი როსტომ ჩხეიძემ. წიგნში გვერდი აუვარე დიდი მეცნიერის სახელს, არა იმიტომ რომ ივანე ჯავახიშვილის ავტორიტეტი მხოლოდად, არამედ იმიტომ რომ თავად პქონდა ავლილი გვერდი დიდ ივანე ჯავახიშვილს ამ თემისათვის, მაგრამ თუკი ვინმე ვარაუდებს გამოთქვამს ( და გამოთქვა კიდევ როსტომ ჩხეიძე), მაშინ ვითომ რატომ არ შეიძლება საპირისპირო გარაუდის გამოთქმა?

\* კიდევ ერთხელ: რომელ პროფესიულ ანალიზზეა ღალატია, როდესაც ქაიხოსრო ჯავახიშვილსა და გიორგი სააკაძეს ორ რგით ვფოდალად ვაცხადებთ (თუმცა სუ იტყვი საბი საუკუნის წინათ ორი ფეოდალი ერთმანეთს ვერ მორიგ-და-). უნდა შევასხნო ოპონენტს, რომ ამ ორ ფეოდალთაგან ერთი უშუალოდ ივანე ჯავახიშვილის წინაპარია ხოლმედან, ხოლო მეორე გიორგი სააკაძე, იმ დიდი ისტორიული მოვლენების შემოქმედი, რომელია მნიშვნელობა, ჩემგან, ღმერთმა დაიფაროს, მაგრამ სხვებისაგან კი უნდა შეესწავლა როსტომ ჩხეიძეს. ამ ორი ფეოდალის წაიგებას („ვერ მოირგებას“) მოყვა გადართილება სამეფო კარზე, დიდგარეოვანთა დახის დაპირისპირება ტაშისკარის ომის გმირთან, სააკაძის სასიკვდილოდ გამომეტება და ქართლის სახელმწიფოებრივი სიმტკიცის რღვევა. ამ ურთულესი მოვლენის გამოძიების უამს ბატონი ივანე ჯავახიშვილი

დაიხაც მძიმე მდგომარეობაში ჩავარდებოდა. არ არის ეს ისტორიის პროფესიული ანალიზი, როცა გინდა გაუბრალდო, „ორი ფეოდალის ვერ მოირგება“ დაიყვინ ამოდენა სახელმწიფოებრივი კონფლიქტი. ქაიხოსრო ჯავახიშვილმა და შადიან ბარათაშვილმა, ფარსადან ციციშვილმა და სხვა დიდგარეოვნებმა ტაშისკარის ბრწყინვალე გამარჯვების მიმდევრი ენერგია გამოაცალეს ქვეყანას სააკაძის სახით. ის ენერგია წლების შემდეგ მობრუნდა, და მოუხდავად იმისა, რომ მოღალატის იარაღი მიაწებეს, მარტყოფის უნიკალური ძალის აჯანყებაში დაუხაზეთა თავისი მამულოშეულობა ქართველ ხალხს. აქვე გაცისკროვნება პაატას მოჭრილი თავის დიდი სიმბოლური მნიშვნელობა. ეს ისტორიული მოვლენები უნდა შევესაუბროდ დიდ ივანე ჯავახიშვილს და არა ორი ფეოდალის „ვერ მოირგება“. სუ შევეცდებით ყოველივე ადამიანური გამოვაცალით საამაყო მეცნიერს და პირადი გრძნობებისათვის ადგილი არ დავუტოლოთ. შეზღუდა რომელიმე ისტორიკოსი გიორგი სააკაძის ღვაწლის დაფასების ივანე ჯავახიშვილს პოზიციამ? როგორ ვუჭირობთ, მათთვის უცნობი დარჩენილი „ქართველი ერის ისტორიის“ ავტორის პოზიცია?

საპასუხო წერილში მე შევახსენე ოპონენტს, მოვეშვათ ვარაუდებს, რაც ხელთა გვაქვს იმაზე დაყრდნობით კლიმარაკოთ-მეთქი. ახლაც ამასვე ვიმეორებ...

დიდი ივანე ჯავახიშვილის პატივისცემას კი ნურავინ მასწავლის, ნურც მისი დიდი მეცნიერების ცოდნაში მოინდომებს ვინმე ჩემს დამატებას.

გამოკვლეულია და მე ჩემს წიგნში მითითებული მაქვს იმის შესახებ, რომ მე-17 საუკუნეში სააკაძის დიდ სახელს პატივისცემა და დაფასება არ მოკლებია, რომ მისი ძაგბა დაიწყო მეთვრამეტე საუკუნეში, ბაგრატიონთა დინასტიის ზოგიერთი წარმომადგენლის სურვილისდა მიხედვით.

ბაგრატიონთა დინასტიის წარმომადგენლებს, ცხადია, გულზე არ ეხატათ გუშინდელი აზნაურის სახე. ბარათაშვილების, ჯავახიშვილების, ციციშვილების განსაძეების შთამომავლები ასე ითვდა რატომ დაიოცნებდნენ ამ მტრებას. მას უზარმაზარი მასშტაბები პქონდა! სუბიქტური ფაქტორის უარყოფას სუ შევეცდებით. სუბიქტურ ფაქტორის მნიშვნელობა როგორ არ აქვს. მნიშვნელობა, შესაძლოა, იმასაც პქონდეს, რომ როსტომ მეფის მხარეზე მეპრობომა გიორგი სააკაძის ვაჟმა იორამ სააკაძემ ერთი ცნობის მიხედვით ორი ძმა ჩხეიძეები დაატყვევა. „გაბრან ორთა ძმთა ჩხეიძეთა, ნოდარის თანა მყოფთა, მოყურობით არა ინებეს ღტოლვა, მოიქცენ და ჩამოჰყარნეს მხედრანი, ხოლო იორამ მოურავისშვილმან ჩამოჰყარა იგინი, შეიპყრნა და მობართვა როსტომ მეფესა, ესე იორამ მოიყვანა როსტომ მეფემან არზრუმიდან კეთილსყოფისათვის, რომელი უქნა მოურავმან მას“. ვახუშტი ბაგრატიონი.

ჩვენ უნდა შევეცადოთ გავარკვიოთ, სააკაძის მისამართით გამოთქმულ ბრალდებებში რომელია საფუძვლიანი და რომელი უსაფუძვლო, რა გავკეთა მან საქართველოსათვის და რაში შეცდა, სად და სად შეცვოდა. ყოველივე ამის გამოკვლევის მიზნით ეუტრიალედ მის ყოველ ნაბიჯს წიგნში და ათასნაირად გამოქმე და შევაჯერე ცნობები და მოსაზრებანი. ვინ დაარწმუნა ჩემმა ანალიზმა, ვინ არა. როსტომ ჩხეიძე ოპონენტების რიგშია, მისგან სახელდახელოდ გაბუნდვანებულ საკითხებს უნდა მოვუბრუნდეს.

როსტომ ჩხეიძე წერს: „არაფერი მითქვამს მის აქტიურ მონაწილეობაზეც ყიზილბაშთა მიერ ქართლ-კახეთის აოხრებაში 1614—17 წლებში...“

მთავარი სადავო სხვა მქონდა. რა ამომრავლებდა გიორგი სააკაძეს თავისი მღელვარე და დაუცხრომელი ცხოვრების გზაზე — საქართველოს გაერთიანების იდეა, როგორც გაბატონებული აზრი გვარწმუნებს, თუ პატივმწიფარეობის, განდიდების შურისხელის ჟინი? ჩემს წიგნში ურთიკვი წაროსა

და ისტორიკოსთა მოსაზრებების განალიზების შემდეგ გამოტანილი აზრი ასეთია: სააკაძეს ამომრავლებდა და საქართველოს გაერთიანების იდეა და არა შურისხელის ჟინი, ასეთი დასკვნა ჩემამდე გამოტანილი აქეთ ნაფიც ისტორიკოსებს, რომელთაც ასევე ჩემამდე უამრავი წყარო შეაჯერეს ერთმანეთთან და ცნობების, სიგელ გუჯრების, ფაქტების ყოველმხრივი გახიზვების შემდეგ მივიდნენ იმ „გაბატონებულ აზრამდე“.

გადმოვწეროთ ყველაფერი საგაზეთო სტატიაში?

მთავარი გავისცნოთ: უტყუარად არის მიჩნეული შაჰის კარის ისტორიკოსის ისქანდერ მუნშის ცნობები საქართველოზე. ისქანდერ მუნშის შაქსიმალურ სანდოობას აღნიშნავს დიდი ივანე ჯავახიშვილიც. ისქანდერ მუნშის „ცნობები საქართველოს შესახებ“ კი გვამცნობს დაწერილობით, თუ რამ გავცოფა შაჰი. იგი გავცოფა კახეთის მეფის თეიმურაზ პირველის სიჯიუტემ, დაუმორჩილებლობამ, გაუტყუებლობამ, ცნობილია, რომ შაჰის მოთხოვნისამებრ თეიმურაზ პირველმა ზედიზედ გაგზავნა ორი შვილი, დედა ქეთევანი (შემდეგში ქეთევან წამებული). შაჰის დაუინებულ მოთხოვნაზე, თავად მებახლო, თეიმურაზი არ დათანხმდა და მისი ურჩობა, მისი გაუტყუებლობა იყო „მიზეზი“ შაჰის გამოლაშქრებისა. ყოველივე ამის აღწერას ისქანდერ მუნშის „ცნობებში“ მთელი გვერდები ეთმობა და დამოწმებული მაქვს კიდევ ვრცელი ამონაწერები წიგნში. სხვა წყაროებიდან და ასევე ისქანდერ მუნშის ცნობებიდან ისიც კარგად ა რის ცნობილი, რომ შაჰის გადაწყვეტილი პქონდა „ალაჰის ნებით“ კახეთისა და ქართლის კილიაიეთების აყრა-გადასახლება და იქ მუსულმანების ჩასახლება, რათა საიმედოდ ჩაეკეტა თავისი ჩრდილოელი მეზობლის — რუსეთისთვის ამიერკავკასიის კარები. ქრისტიანული სომხეთის გადასახლება ასევე იყო დაგეგმილი და მისი ნაწილი განხორციელდა კიდევ კახეთის ოპერაციამდე (ახლათასობით სომეხი გადასახლეს ირანში). დასახული იყო მუსულმანური სამყაროს ინტეგრაციიდან გამომდინარე აზგარი ტოტალური გეგმა. ეს გეგმა ამომრავლებდა შაჰის სახელმწიფოს და არა ქართლიდან ან კახეთიდან ან სომხეთიდან ირანის კარზე გაქცეული ქართველი და სომეხი „რენეგატების“ ინტერესები.

ე.ი. არც თეიმურაზის სიჯიუტე ყოფილა მიზეზი, მისი ურჩობა მხოლოდ საბაბად გამოიყენა შაჰმა, თორემ სად გაგონილა, მეფე არ გახლდეს და ამისათვის მთელი სამეფო აყარო და გადასახლო. აღმოსავლეთ საქართველოს აყრა გადასახლება შაჰის ირანის ტოტალური მიზანი გახლდათ. თეიმურაზის მოქნილ პოლიტიკას იგი შეეძლო გადაეყვადებინა მხოლოდ, ურჩობამ დაამქარა! შაჰ-აბასი მორჩილების შემთხვევაშიც დიდი ხნით მანც არ გადააყვებდა საშინელი განზრახვის ასრულებას.

საბედნიეროდ, ისქანდერ მუნშის აღწერილი აქვს სწორედ ის ოპერაცია, რასთან დაკავშირებითაც გვარცხელდა ხმა საქართველოში სააკაძე შემოუხდვა მტრის ჯარსი: „მისმა უდიდებულესობამ, ღვთის ჩრდილმა შაჰმა უბრძანა თავრიზის მმართველს ფირ-ბეგ-ყანს ზოგიერთ ამირთან ერთად, ყარაბაღის ამირის დელუმუჰამედ შაჰ ადლინლუს მეგზურობით და თანხლებით, რომელიც საქართველოსთან მეზობლად ყოფნის გამო იმ ქვეყნის გზებზე და იწროების და ავსა და კარგს იცნობდა, შესეოდა კახეთს თბილისის მხრიდან, ხოლო თესუფ-ხანს, შირვანის ბეგ-ლაი-ბეგს, იქაურ ამირებთან ერთად, შირვანიდან, რომელიც კახეთის დასავლეთით არის, და თეიმურაზი, როგორც ნადირი, შუაში მოეკითაო“ დაწერილობით აღწერს ოპერაციას ისქანდერ-მუნში, შაჰის „თანხმდროევე, არსად იგი არ ასახელებს გიორგი სააკაძეს ჩვენ ხომ შარდენს მთელ-შედეგით, შარდენი ხომ მოგვიანებით ჩამოვიდა საქართველოში (მე-17 საუკუნის მეორე ნახევარში). იგი ხომ სხვათა მიერ მოწვედილ ცნობებს ეყრდნობა, თქმისმიხედვით კი ისქანდერ მუნშია. ვითომ, რატომ გადა-

ვფარებოდა სააკაძის ირანელი ისტორიკოსი?

საიდან ვასკენით სააკაძის აქტურ მონაწილეობას კახეთის აოხრებაში მხრედვსაც პირობითა: 1615 წელს შაჰი კახეთს აოხრებს, სააკაძე კი საერ არ იმყოფება იქ, ქართლში. თავის დანერგული ციხე-კოშკის აღდგენას შედგომია. ხოლო კაცს, ვინც ეს ციხე-კოშკი, სასახლე და მთელი ცხოვრება დაუნერია — ქაიხოსრო ჯავახიშვილს, — უმალვე მსახური (ბიძინა) დაადგენა ქაიხოსრო სააკაძის შიშით გაიქა იმერეთისაკენ. სააკაძის მსახური სურამიან დაეწია ღტოლვას, დაამშვიდა, ცოლშვილიანად უკან წამოსახა და ფუძეზე დააბრუნა. ოჯახის დამაქცევარი, სასიკვდილოდ გამომეტებული, ცხოვრების დამანერგული კაცი-ქაიხოსრო ჯავახიშვილი — ასე შემოიირიგა. ყველაფერი აპატია! რა ხდება? ქაიხოსროს და ქართლის დიდებულების ამოსადიკ-გავად შაჰი წააქეზა, კახეთზეც კი გააღაშქრა და სწორედ ჯავახიშვილის პატიობას ასე სულგრძელად 1615 წელს? ეს არის შურისგების ჟინი? ხომ არსებობს სასამართლო უქმის ჩანაწერი, ხომ უტყუარია ეს ყოველივე. მეტი რა არგუმენტი უნდა დიდოს, რომ მოწყალე თვალთ აქეთ მოიხედოს ოპონენტმა ა და ამოდენა რაინდობა და მრავალი-მეტყველი პოლიტიკური ნაბიჯი დანახოს? განა დიდი ფიცის-მტკიცე უნდა იმის მიხედვრას, რომ სააკაძემ ამორცნო შაჰის გეგმები და სწორედ ამ უნიკალური მიმტეხებელი ნაბიჯით დაიწყო გუშინდელი დაუბიძგბელი მტრების შემოიოგება? განა დიდი შერიგების გაგრძელება არ არის აღწერილი ფაქტის გამოტანა 1620 წელს სასამართლოზე და ქაიხოსრო ჯავახიშვილიან საბოლოო დაზავება? განა ამ დიდი ფაქტის გაგრძელება არ არის შეირება ფარსადან ციციშვილიან, ბარბი ამილახორთან და ქართლის ყველა დიდგარეოვანთან, ყველასაგან ფიცის წიგნების აღება-გაცემა? დამოწმებული მაქვს წყაროებიც, „ფიცის წიგნებიც“ და ყოველივე ამის გამომკვლევი ისტორიკოსების მოსაზრებანი.

ქრისტიანული რწმენისათვის სააკაძეს არ უღალატნია. ქრისტიანული საქართველოს გადასარჩენად მიიღო ისლამის რაჯული დროებით, ერთგულ კაცად მოაჩვენა შაჰს თავი და სასიკვდილოდ ღალატარი ჩასცა მარტყოფში. ისქანდერ მუნშია შესანიშნავად იცის გონების დაუძაბავად მიხედვ იგი, რომ სააკაძე „მონვერებითად აღიარებდა ისლამის რაჯულს“. აი, ქართველია გარკვეული ნაწილი კი რატომაც ვერაფრით ვერ ხვდება, რომ სააკაძე „მონვერებითად აღიარებდა ისლამის რაჯულს“. ამ ნაწილისათვის იგი რაჯულის მოღალატეა და არა კაცი, რომელმაც ერთგულად მოაჩვენა თავი და შაჰის გეგმები მარტყოფში ერთიანად შემუსრა. კი, ბატონო, გვეჯიროფეს, რომ ქრისტიანულ რწმენას უფალატა, მაგრამ გვეჯიროფეს მარტყოფის აჯანყებამდე. მარტყოფის აჯანყება ხომ არსებობს? აქ ხომ თვალნათლივ დავინახებ, რა ერთგულიც ყოფილა ისლამის რაჯულისა.

მაპატიოს მკითხველმა, ისე გამოდის თითქოს ჩემს წიგნს თვალეში ვწრივ. საგანგებოდ მაქვს დახასიათებული შეგახდომივე წმინდანისა და პოლიტიკოსის გზა.

ქვეყანას ჭირდება წმინდანიც და პოლიტიკოსიც. თვით მეფეებსაც და ჭირდათ საქართველოში რაჯული შეცვლა. ერი და ქვეყანა რომ გადაერჩინათ (ბაგრატ მეფე, სიმონ მეფე)...

ვინ ირჩევს წმინდანს გზას? ვინც სულთერ სამტკიცეს სხვას ვერაფრის ვერ დაუპირისპირებს გეშაჰ მტრის ძალას ცოტნე დადიანი, დემეტრე თავდადებული, ბერი თევდორე, ღლაზაბ, მეორე, ქეთევან წამებული...

წმინდანების უდიდეს როლზე ქენის წმინდრივე გაჯანსაღებისათვის მე სხვაც ბერი მაქვს ნათქვამი წიგნში. მაგრამ მარტო წმინდანებმა ვერ იხსნეს ქვეყანა. ჰყავდა წმინდანები ზნეობრივ მაგალითად ქვეყანას, მაგრამ კახეთი ააოხრეს, ხალხი გაჟლიტეს, გადაასახლეს. დიას, ხმლის მძლედ მქნეველი, გამჭრიახი

გონების მხედარბიავარი ჭირდება ქვეყანას, რათა ვეშაჰი განგმიროს. ბაგრატ მეფესაც მოეხდა რაჯულის გამოცვლა იმდენი რომ ქვეყანა ყურადღება მოედლებინა და მერე დაეკრა. ასეც მოიქცა და გმირთა ჭეშმარიტი! სიმონ I-საც მოუხდა რაჯულის გამოცვლა, რათა ქართლის მეფე გამხდარიყო და ირანელთა დახმარებით ოსმალეთი დაემარცხებინა. ასეც მოიქცა! და გმირია ნამდვილი! გიორგი სააკაძესაც მოუხდა რაჯულის გამოცვლა, რათა შაჰის ყურადღება მოედლებინა და მარტყოფი გადაეხდა! გადაეხდა! გმირია ჭეშმარიტი!

ვითომ ოსმალთა ღაშქარს რატომ ვერ მოუგრეხდა კისერს, თუკი ქართლს აოხრებით დაემუქრებოდნენ. როგორ, მარტყოფის შემდეგაც არ გვევრა, რომ შეეძლო „ქნა აბისა“?

მონღოლების შემოსვლის შემდეგ, დიდი საქართველოს დამსხვრევის შემდეგ ჩვენ უბედურებათა გარსებში მოშწყვედილი ერი ვართ. ჩვენს ნებაზე, ძალიანაც გვსურდა, მაგრამ ვერ დავდიოდით. მეცამეტე საუკუნიდან ვიდრე აქამდე მთელი რვა საუკუნის განმავლობაში. ჩვენს მეფეებსა და სახელმწიფო მოღვაწეებს უხედვოდით გარეშე ძალების მოხმობა. ეს ჩვენი ყოფა იყო სამწუხაროდ, დამოუკიდებლობა შეზღუდული ქვეყნის ყოფა!

\* ამომრავლებდა თუ არა გიორგი სააკაძეს გაერთიანების იდეა? ამის შესახებ არსებობს გამოკვლევები: იგივე გიგი ჯამბურია, აკადემიკოსი ნიკო ბერძენიშვილი... გავისცნოთ, რას წერს აკადემიკოსი ნიკო ბერძენიშვილი სწორედ ბაზალეთის ომის მარცხიდან დამთავრების გამო: „ჩაიშალა ის დიდი საქმე, რომელსაც სააკაძემ თავისი უზარმაზარი ენერგია შეაღია და ურომლისოდც საქართველოს განთავისუფლება-გამოღირება შეუძლებელი იყო“. თუქცა მეოცე საკუნის ისტორიკოსებს როსტომ ჩხეიძე სტალინური „სააკაძეოლოგიის“ მიმდევრებად აცხადებს, მათ შორის, აკადემიკოს ნიკო ბერძენიშვილსაც.

მაგრამ რა ყუყთი სტალინამდე სამასი წლის წინათ მომხდარი ფაქტს — მარტყოფის აჯანყების შემდეგ ქართლ-კახეთის გაერთიანებას და ტახტზე თეიმურაზ I მიწვევას დიდი მოურავის მიერ? როსტომ ჩხეიძე რატომაც „მატარა ერთიანობას“ უწოდებს ამ მოვლენას. რა თქმა უნდა, იმიტომ რომ სააკაძის მიერ არის იგი ორგანიზებული! სხვა ადგილას სააკაძის სახელს არც ასხივებს, ისე ღალატარობის „მარტყოფის აჯანყების შედეგად გაერთიანებულ ქართლ-კახეთზე“. ამ ერთიანობის სულისმამდგემლ პიროვნებას მკითხველის შერვას მობარიდებს. აბა, გავისცნოთ, რამდენი ხნის განმავლობაში იყო ცალ-ცალკე სამეფოდ ქართლი და კახეთი 1625 წლამდე? ვინ, რომელმა მეფემ შეიძლო მათი გაერთიანება მოხერხდა იგი 1625 წელს, სააკაძის წყალობით და მისი ნებითივე!

პატარა მნიშვნელობა აქვს ვითომ ამ ერთიანობას?

თავის საპასუხო წერილში როსტომ ჩხეიძე თაყა, ნატროშვილის ნაშრომს შესახებ სკიხვევს. აი, სწორედ ბატონმა აბას ნატროშვილმა მომწერა ჩემი თხოვნის შემდეგ წლების წინათ ნიკოლოზ ირბახის რელიცია პაპისადმი, სადაც სიტყვა-სიტყვით სწერა:

„იგი (თეიმურაზი) გაიქცა კონსტანტინოპოლში სულთანთან, რომელმაც კარგად მიიღო, და შეპირდა ორი პიროვნების მიცემას, თუკი გაშაჰმადიანდებოდა, რაზედაც უარი მიიღო. ამიტომ სულთანმა მოაკლო მას პატივი, ამა სობაში მისი მტერი (გ. სააკაძე) შაჰის დახმარებით დავაპატრონა პროვიციას (ქართლ-კახეთი) და მას ჩააბარეს 60 000-იანი ღაშქარი, ერთი ხარდლის მეთაურობით, რომელიც ყველაფერში დამოკიდებული უნდა ყოფილიყო ამ ქართველის ნება-სურვილზე, რომელთანაც შეთანხმებული იყო ირანის შაჰი, რომ მოეწვია ყველა დიდებული საჯარო მოთათბირებისათვის და ყველა ამოქველიტა.“

(გაგრძელება მომდევნო ნომერში)

# ს ა მ უ რ ა დ ლ ე ბ ო დ !



განათლების სამინისტროს სსსგ «ინფორმატიკა»-ს თბილისის ინფორმატიკის სასწავლო-მეთოდური ცენტრი გიწვევთ პერსონალური კომპიუტერის შემსწავლელ კურსებზე.

მსურველებს საწყისი ცოდნისა და მოთხოვნილების მიხედვით შეუძლიათ შეარჩიონ ცენტრში მოქმედი კურსებიდან ერთ-ერთი:

## 1. ზოგადი კურსი დამწყებთათვის (45 სთ)


ეს კურსი ითვალისწინებს კომპიუტერზე მუშაობის ძირითადი უნარ-ჩვევების ჩამოყალიბებას ნებისმიერი საწყისი დონის მომხმარებლისათვის.

## 2. სპეციალური კურსები:

- ა) ტექსტური. რედაქტორი (20 სთ)
- ბ) ელექტრონული ცხრილები (20 სთ)
- გ) მონაცემთა ბაზები (30 სთ)
- დ) დაპროგრამირების ენები (ენის შერჩევა ხდება მსმენელის სურვილისამებრ).

მეცადინეოები ჩატარდება IBM-ის ტიპის კომპიუტერებზე. გრაფიკი განისაზღვრება მსმენელებთან შეთანხმებით.

სწავლების საფასურის გადახდა შეიძლება როგორც ნაღდი, ასევე უნაღდო ანგარიშსწორებით.



ცნობებისათვის მოგვმართეთ: ჯავახიშვილის I ჩიხი №37  
კომპლექს „მზისური“-ს ტერიტორია  
ტელ: 29-48-60  
23-53-17

საქართველოს სახალხო ფრონტი მადლობას უხდის ცეკავშირის გამგეობას და პირადად მის თავმჯდომარეს ბატონ რესან კონცელიძეს იმ თანადგომისათვის რომელიც მან გაუწია სსფ-ს III ყრილობის ჩატარებაში.

## საქართველოს სახალხო ფრონტის საორგანიზაციო განყოფილების განცხადება:

- მიმდინარე წლის 7 მაისს, 1 საათზე, გაიმართება საქართველოს სახალხო ფრონტის ახლადარჩეული დარბაზის პირველი სხდომა.
- დღის წესრიგშია ორგანიზაციული საკითხები:
- 1. საქართველოს სახალხო ფრონტის მმართველი საბჭოს არჩევა.
- 2. საქართველოს სახალხო ფრონტის თავმჯდომარის მოადგილეების დამტკიცება დარბაზის მიერ.
- 3. გაზეთ „საქართველოს“ მთავარი რედაქტორის დამტკიცება განიხილება სხვა ორგანიზაციული საკითხებიც.

დაბადების დღეს ულოცავ ჩემს დისშვილს, ჰაატა ალექსანდრეს ძე ფუტყარაძეს, რომელიც ორი წლის გახდა.

უესურვებ ჯანმრთელობას, ბედნიერ მომავალს საყვარელ მშობლებთან ერთად.

მანანა რამვიშვილი

## განცხადება:

ჩვენი გაზეთის წინა ნომრში გაიპარა შეცდომა. ნომრის რიგითობის მაჩვენებელში №12 ნაცვლად უნდა ყოფილიყო №13.

## გამოსათხოვარი

### რამაზ საყარია

11 მაისს ოცდახუთი წლისა გახდებოდა. ორი თვის წინ ავადმყოფობამ შეიწირა ენერგიითა და იმედით სავსე ოპტიმისტი ჭაბუკი, რომელსაც მკერდში ტანჯული სამშობლოს სიყვარულის ცეცხლი უკიზგიზებდა.

საქართველოს სახალხო ფრონტის ხელგაჩაურის რეგიონული ორგანიზაციის გამგეობის წევრი, ახალშენის საკრებულოს დეპუტატი რამაზ საყარიძე იყო პირველი, თავის სოფელში ქართული სამფეროვანი დროშა რომ ააფრიალა, არაფერი აშინებდა. ყოველთვის იქ იყო, სადაც ყველაზე მეტად ჭირდა. პროფესიით ისტორიკოსს სწამდა და სჯეროდა საქართველოს ბედნიერი მომავლისა.

მამულისათვის ჭეშმარიტად გულანთებული, სიკეთით, რაინდობით გამორჩეული – ასეთად დარჩება იგი ჩვენს ზსოვნაში და ეროვნული მოძრაობის ისტორიაში.

საქართველოს სახალხო ფრონტის  
ხელგაჩაურის რეგიონული  
ორგანიზაცია



## მთავარი რედაქტორი


ნოდარ ბრიგადაშვილი

## სარედაქციო საბჭო

თენგიზ გოგოტიშვილი  
პასტანკოვსკი  
ფელიქს კოშიაშვილი  
სერგო ჯანაშია

## რედაქციის მისამართი:

თბილისი, თავისუფლების  
მოედანი, კუბიშვილის ქ. 5



ტელ: (032) 93-20-36,  
93-18-41.  
ფაქსი: 93-19-99.  
გაზეთი „საბაჰელო“  
კომპიუტერული ტექნოლოგიების გამოყენებით  
შემოსული მასალაში ავტორებს არ უბრუნდებათ.

## გაზეთის

ინდექსი 66447

## ფასი

20 კუპონი